



# PREZIDÉNSIA KONSELLU MINISTRUS

V GOVERNUN KONSTITUSIONÁL

DÍLI, LORON 30 FULAN SETEMBRU TINAN 2014

## KOMUNIKADU IMPRENSA

### Sorumutuk Konsellu Ministrus nian iha loron 30 fulan-setembru tinan 2014

Governu hala'o sourumutuk iha loron-tersa ne'e, loron 30 fulan-setembru tinan 2014, iha Palásiu Governu, iha Dili, no aprova ona:

- 1. Rezolusaun Governu ne'ebé aprova instalasaun órgaun no servisu ba estrutura pré-deskonsentrasaun nian**

Tuir medida hirak ne'ebé mak hola tiha ona, fahe ba faze idak-idak, atu kumpre polítika desentralizasaun administrativa nian – ne'ebé mak hatuur iha Planu Estratéjiku Dezenvolvimentu 2011 – 2030 – no hodi tetu didi'ak impaktu ne'ebé reforma Administrativa Lokál Estadu nian ida ne'e iha populasaun nia moris lor-loron nian, Governu decide ona atu hahú, fahe iha faze idakidak, ba prosesu instalasaun órgaun sira nian no servisu Estrutura Pré-deskonsentrasaun Administrativa nian sira iha munisípiu hirak ne'ebé mak besik iha kapitál, liu-liu iha munisípiu Aileu, Ermera no Likisá. Ho forma ida ne'e, bele garante prosesu akompañamentu ida ne'ebé di'ak tebes husi servisu Administrasaun Sentrá Estadu nian.

Konsellu Ministru analiza ona mós:

- 1. Ezekusaun Orsamentu Jerál Estadu nian (OJE) tinan 2014**

Tuir sorumutuk estraordinária Konsellu Ministru nian iha loron 24 fulan-setembru, Ministériu Finansas hato'o konkluzaun kona-ba ezekusaun orsamentál husi Governu no diskuti kona-ba possibilidade atu husu retifikasaun Orsamentu Jerál Estadu nian ba Parlamentu Nasionál, atu bele utiliza Fundu Petrolíferu, iha faze ikus tinan nian, bainhira OJE hakbesik ba ezekusaun plena.



Palácio do Governo,  
Avenida Presidente Nicolau Lobato,  
Dili, Timor-Leste

pcm.gov.tl@gmail.com  
(+670) 33 310 608